



Bosnia and Herzegovina
Federation of Bosnia and Herzegovina
CANTON SARAJEVO
Ministry of Justice and Administration

Broj: 03-05-04-50202/23
Sarajevo, 18.12.2023. godine

KANTON SARAJEVO
SKUPŠTINA KANTONA SARAJEVO
n/r Predsjedavajućeg Skupštine Kantona Sarajevo
Elvedin Okerić

Predmet: Odgovor na zastupničko pitanje zastupnice u Skupštini Kantona Sarajevo
Hašimbegović Marijele, dostavlja se –

VEZA: Vaš akt broj: 01-04-46892-12/23 od 15.11.2023 godine

Na jedanaestoj radnoj sjednici Skupštine Kantona Sarajevo, održanoj dana 15.11.2023. godine, u okviru tačke dnevnog reda "Poslanička/zastupnička pitanja, inicijative i odgovori", zastupnica u Skupštini Kantona Sarajevo Hašimbegović Marijela, postavila je zastupničko pitanje Ministarstvu pravde i uprave Kantona Sarajevo, koje glasi:

„Koja je upravna mjera izrečena u inspeksijskom nadzoru izvršenog 10.07.2023. godine u Elektrotehničkoj školi za energetiku u Sarajevu. Da li je to mjera upozorenja i da li ona za sobom povlači i određene kazne. Koje su sankcije poduzete protiv odgovornih radi utvrđivanja nedostataka i nepoštivanja propisa iz oblasti Zakona o kancelarijskom poslovanju?

U Vašem odgovoru na inicijativu pomenute su, kao predmet prijave i okolnosti izrade i upotrebe faksimila direktora škole, međutim, isto nigdje nije navedeno kao predmet nadzora, niti su naznačene izrečene mjere usljed utvrđenih eventualnih propisa.

Šta je učinjeno povodom Vaše prijave upućene na znanje i postupanje Školskom odboru Elektrotehničke škole za energetiku u Sarajevu. U kojoj fazi su te aktivnosti?"

ODGOVOR

Kantonalni upravni inspektor Upravnog inspektorata Ministarstva pravde i uprave Kantona Sarajevo na osnovu ovlaštenja propisanih odredbama člana 144. Zakona o organizaciji organa uprave u Federaciji Bosne i Hercegovine („Službene novine Federacije Bosne i Hercegovine“, broj 35/05), pokrenuo je postupak po službenoj dužnosti i dana 10.07.2023. godine izvršio inspeksijski nadzor u Javnoj ustanovi Elektrotehnička škola za energetiku Sarajevo.



Inspekcijski nadzor je vršen na okolnosti primjene Pravilnika o kancelarijskom poslovanju u Federaciji Bosne i Hercegovine ("Službene novine Federacije Bosne i Hercegovine", broj 96/19), kojim se uređuje vođenje djelovodnika predmeta i akata i izradu i upotrebu faksimila direktora škole.

Na osnovu konstatovanog činjeničnog stanja na zapisnik, broj: 03-04-7609 od 10.07.2023. godine, upravni inspektor Upravnog inspektorata Ministarstva pravde i uprave Kantona Sarajevo na osnovu člana 125 stav (1) tačka 1) i člana 126. stav (1) Zakona o organizaciji organa uprave u Federaciji Bosne i Hercegovine donio je rješenje, broj: 03-05-04-7609/23 od 18.07.2023. godine, kojim su naložene upravne mjere direktoru Javne ustanove Elektrotehnička škola za energetiku Sarajevo, koje glase:

Zabranjuje se direktoru Javne ustanove Elektrotehnička škola za energetiku Sarajevo da kod vođenja djelovodnika predmeta i akata pod jednim osnovnim (rednim) brojem primljenih ili vlastitih predmeta ili akata, upisuje druge predmete ili vlastite akte različitog sadržaja, ne poštujući hronološki red zavoda primljenih ili vlastitih predmeta ili akta.

Nalaže se direktoru Javne ustanove Elektrotehnička škola za energetiku Sarajevo da djelovodnik predmeta i akata vodi po sistemu osnovnih (rednih) brojeva i podbrojeva koji se zavode po hronološkom redu, počev od broja 1 pa 2, 3 i dalje tim redoslijedom, te da se djelovodnik predmeta i akata popunjava na način objašnjen u uputi datoj u sastavu obrasca broj 5 Pravilnika o kancelarijskom poslovanju u Federaciji Bosne i Hercegovine.

Rok izvršenja: 8 (osam) dana od dana konačnosti rješenja.

U narednom roku od 3 (dana) dana dostaviti Upravnom inspektoratu informaciju o postupanju po upravnoj mjeri.

Aktom, broj: 02-1287/2023 od 28.07.2023. godine, direktor Javne ustanove Elektrotehnička škola za energetiku Sarajevo, obavijestio je Upravni inspektorat Ministarstva pravde i uprave Kantona Sarajevo, da je dana 28.07.2023. godine zaprimio rješenje, broj: 03-05-04-7609/23 od 18.07.2023. godine, kojim su naložene upravne mjere u cilju pravilne primjene Pravilnika o kancelarijskom poslovanju u Federaciji Bosne i Hercegovine i da će u cijelosti pravovremeno i kontinuirano biti postupano po naloženim upravnim mjerama.

Naložena upravna mjera rješenjem direktoru Javne ustanove Elektrotehnička škola za energetiku Sarajevo je mjera upozorenja. Ukoliko odgovorna osoba, odnosno, direktor Javne ustanove Elektrotehnička škola za energetiku Sarajevo ne bude postupao po rješenju o naloženoj upravnoj mjeri, a to se naknadno utvrdi u postupku kontrolnog nadzora, bit će izdat prekšajni nalog u skladu sa odredbama člana 150. stav 1. tačka 14) Zakona o organizaciji organa uprave u Federaciji Bosne i Hercegovine.

Inspekcijski nadzor je vršen u Javnoj ustanovi Elektrotehnička škola za energetiku Sarajevo i na okolnosti primjene Pravilnika o kancelarijskom poslovanju u Federaciji Bosne i Hercegovine, kojim se uređuje izrada i upotreba faksimila direktora škole.

Na okolnosti izrade i upotrebe faksimila, direktor škole se izjasnio da postupa u skladu sa odredbama Pravilnika o kancelarijskom poslovanju u Federaciji Bosne i Hercegovine i ponudio dokaze, kako slijedi:

Dana 07.06.2023. godine direktor škole donio je odluku, broj: 02-893/2023, o izradi faksimila. Odluka sa otiskom faksimila predata je Ministarstvu pravde i uprave Kantona Sarajevo 07.06.2023. godine.

Dalje se direktor škole izjasnio, da je donio odluku, broj: 02-893-1/2023 od 07.06.2023. godine, o davanju ovlaštenja za upotrebu faksimila za radnike škole, Duraković Amrudina, pomoćnik direktora i Veljović Hikmetu, sekretara škole. Direktor škole se dalje izjasnio, da je uspostavio knjigu evidencije upotrebe faksimila, koja se vodi od 22. 06.2023. godine.



Adresa: Reisa Džemaludina Čauševića 1, 71 000 Sarajevo

Tel: + 387 (0) 33 562-083, Fax: + 387 (0) 33 562-241

Web: <http://mpu.ks.gov.ba>, E-mail: mpu@mpu.ks.gov.ba

Dalje se direktor škole izjasnio, da otisak faksimila ne stavlja, odnosno, ne koristi umjesto svojeručnog potpisa na akte – dokumenta, kada je propisano da se takvi akti moraju svojeručno potpisati.

Na pitanje šta je učinjeno povodom prijave upućene na znanje i postupanje Školskom odboru Elektrotehničke škole za energetiku u Sarajevu. U kojoj fazi su te aktivnosti ističe se, da su odredbama člana 143. stav (2) tačka h) Zakona o srednjem obrazovanju Kantona Sarajevo propisane nadležnosti školskog odbora, da je školski odbor nadležan za rješavanje po žalbama i prigovorima koji se odnose na rad direktora srednje škole.

Upravni inspektorat Ministarstva pravde i uprave Kantona Sarajevo u skladu sa odredbama 144. Zakona o organizaciji organa uprave u Federaciji Bosne i Hercegovine nije nadležan da nadzire primjenu Zakona o srednjem obrazovanju Kantona Sarajevo, s tim ni rad školskog odbora Javne ustanove Elektrotehnička škola za energetiku Sarajevo.

S poštovanjem,

Dostaviti:

1. naslovu;
2. Hašimbegović Marijela
zastupnica u Skupštini Kantona Sarajevo;
3. Stručna služba Vlade Kantona Sarajevo;
4. a/a.

